

AGENCIJA ZA OSIGURANJE
U BOSNI I HERCEGOVINI



АГЕНЦИЈА ЗА ОСИГУРАЊЕ
У БОСНИ И ХЕРЦЕГОВИНИ

INSURANCE AGENCY OF
BOSNIA AND HERZEGOVINA

***SREDNJOROČNI PLAN RADA
AGENCIJE ZA OSIGURANJE U BOSNI I HERCEGOVINI***

2018.-2020.

Dokument je pripremljen u skladu s Odlukom o postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 62/14), Uputstvom o metodologiji u postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 44/15) i Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17).

Sarajevo, decembar 2017. godine

Poglavlje 1: Strateški okvir

U skladu sa usvojenim Strateškim okvirom za Bosnu i Hercegovinu, u okviru opštih principa razvoja, mandat Agencije za osiguranje u Bosni i Hercegovini doprinosi integrisanom rastu koji je usmjeren na promovisanje veza regionalne trgovine i saradnje, te nediskriminirajućih, transparentnih, predvidivih politika koje poboljšavaju ulaganja, protok roba, kapitala, usluga i ljudi u regiji. Samo razvoj jedinstvenog ekonomskog prostora u BiH privući će više stranih investicija i povećati konkurentnost BiH ekonomije u regionu, te ubrzati proces integracija u europsku i globalnu ekonomiju.

Strateški cilj Agencije za osiguranje u Bosni i Hercegovini koji proizlazi iz Integrisanog rasta je *Unaprijediti razvoj konkurentnog ekonomskog okruženja.*

U strateškom okviru za Bosnu i Hercegovinu istaknuto je da pravni okvir za odvijanje ekonomskih aktivnosti u BiH nije razvijen i time zemlja uveliko zaostaje za drugim ekonomijama u oblasti izvršenja ugovora. Ako bezbjednost prava svojine i izvršenje ugovora nisu osigurani, investicije i trgovina, a time i ekonomski razvoj, će biti ugroženi.

Pojednostavljenje i harmonizovanje propisa u djelatnosti osiguranja na cijelom tržištu BiH doprinijelo bi uspostavi konkurentnijeg ekonomskog okruženja i smanjenju problema sa kojima se učesnici na tržištu osiguranja u Bosni i Hercegovini susreću zbog neujednačenosti istih.

U izvještajima Evropske komisije za Bosnu i Hercegovinu u dijelu unutrašnjeg tržišta navedeno je da je Bosna i Hercegovina u ranoj fazi priprema u oblasti kretanja osoba, usluga i prava poslovnog nastanka. Bosna i Hercegovina naročito treba „Ojačati Agenciju za osiguranje Bosne i Hercegovine, čiju ulogu u zakonodavnom procesu trebaju poštovati entiteti, kako je to predviđeno zakonom.“ U Izvještajima Evropske komisije se navodi da je potrebno osigurati da entitetsko zakonodavstvo prije usvajanja sadrži sve preporuke Agencije za osiguranje Bosne i Hercegovine, čime se jača uloga Agencije u koordinaciji usklađivanja zakonodavstva i usklađivanja sa *acquis-em* EU.

U okviru popratnih aktivnosti koje Bosna i Hercegovina treba dostaviti nakon drugog sastanka Pododbora za unutrašnje tržište i konkurenciju između EU i Bosne i Hercegovine koji je održan u Mostaru 19.09.2017. godine, navedena je obaveza dostavljanja plana usklađivanja u sektoru osiguranja, odnosno životnog osiguranja, reosiguranja, posredovanja u osiguranju, u skladu sa važećim direktivama. Također je definisana i obaveza dostavljanja informacije o koracima koje Bosna i Hercegovina preduzima kako bi osigurala da zakoni na entitetskom nivou uključe preporuke Agencije za osiguranje u Bosni i Hercegovini.

Srednjoročni plan rada Agencije za osiguranje u Bosni i Hercegovini predstavlja okvir unutar rada Agencije za osiguranje u Bosni i Hercegovini, definiše prioritete i srednjoročne ciljeve i potrebe, kao i viziju osnovnih segmenata rada i djelovanja u narednom trogodišnjem periodu.

1.2. Mandat institucije

Agencija za osiguranje u Bosni i Hercegovini osnovana je Zakonom o Agenciji za osiguranje u Bosni i Hercegovini („Službeni glasnik BiH“, broj 12/04) kao samostalna upravna organizacija koja za svoj rad odgovara Vijeću ministara BiH.

Nadležnosti Agencije za osiguranje u Bosni i Hercegovini su:

- jedinstvena primjena zakona o osiguranju između entiteta;
- nesmetana i djelotvorna saradnja između agencija za nadzor osiguranja u Federaciji Bosne i Hercegovine i Republici Srpskoj;
- osiguranje primjene i tumačenja entitetskih zakona na pravičnoj i jedinstvenoj osnovi;
- usaglašenost zakonodavstva u osiguranju koje je na snazi u entitetima u cilju da se osigura jednak i ravnopravan odnos prema svim društvima za osiguranje u oba entiteta i Brčko Distriktu Bosne i Hercegovine (u daljem tekstu: Brčko Distrikt);
- osiguranje jednake pravne zaštite kako za ugovarače osiguranja, tako i za treću stranu - podnosiocima odštetnih zahtjeva na teritoriji Bosne i Hercegovine;
- osiguranje usaglašenosti zakonodavstva o osiguranju u Bosni i Hercegovini sa zakonodavstvom Evropske unije;
- koordinirano predstavljanje i zastupanje Bosne i Hercegovine u organizacijama koje se bave osiguranjem na međunarodnom nivou, kao i kontinuirana saradnja sa istim;
- kontinuirana saradnja s agencijama za nadzor osiguranja entiteta i Brčko Distrikta, rješavanje sporova između agencija za nadzor osiguranja u pogledu jedinstvenog tumačenja i primjene zakonodavstva o osiguranju na nivou entiteta i Brčko Distrikta i izdavanje pismenih odluka i mišljenja kojima se osigurava jedinstvena primjena zakonodavstva o osiguranju;
- osiguravanje i vođenje svih relevantnih podataka o cjelokupnom tržištu osiguranja u Bosni i Hercegovini;
- podnošenje nacrti odnosno prijedloga zakona entitetskim ministarstvima finansija za primjenu zakonodavstva Evropske unije ili smjernica za usklađivanje entitetskih zakonodavstava;
- podnošenje prijedloga entitetskim ministarstvima finansija za izmjene i dopune postojećih entitetskih zakonodavstava u oblasti osiguranja, uključujući prijedloge za druge vrste osiguranja;
- davanje saglasnosti za izmjene i dopune entitetskih zakonodavstava o osiguranju koje su predložene od jednog ili oba entiteta;
- međunarodni odnosi BiH u oblasti osiguranja;
- poslovi davanja svih podataka koje može zahtijevati EU u vezi sa praksom osiguranja u BiH u cilju procjenjivanja harmonizacije zakonodavstva BiH sa standardima EU;
- uređivanje pitanja koja se odnose na bilo kakvo osiguranje izvoznih kredita koje se nudi izvoznicima osnovanim u Bosni i Hercegovini;

- predstavljanje Bosne i Hercegovine u pogledu osnivanja podružnica ili supsidijarnih društava osiguravajućih društava ili posrednika osnovanih u bilo kojem entitetu ili Brčko Distriktu i u trećim zemljama, uz preporuku odgovarajuće entitetske agencije za nadzor osiguranja;
- koordinacija i saradnja između odgovarajuće entitetske agencije za nadzor osiguranja i odgovarajuće agencije za nadzor osiguranja u trećoj zemlji;
- zaključivanje ugovora o saradnji za razmjenu podataka s nadležnim organima drugih zemalja, uz saradnju s entitetskim agencijama za nadzor osiguranja;
- saradnja s entitetskom agencijom za nadzor osiguranja u svim slučajevima kada to zahtijeva agencija za nadzor osiguranja druge zemlje;
- ovjera potvrde o margini solventnosti izdatoj za upotrebu u trećoj zemlji, od bilo koje agencije za nadzor osiguranja, za bilo koje društvo za osiguranje osnovano u Bosni i Hercegovini koje namjerava osnovati podružnicu u trećoj zemlji;
- prosljeđivanje podataka entitetskim agencijama za nadzor osiguranja u pogledu međunarodne prakse osiguranja, međunarodne statistike osiguranja i drugih podataka dobijenih kroz učešće na međunarodnim forumima osiguranja, a koji mogu biti od pomoći agencijama za nadzor osiguranja u obavljanju njihovih funkcija;
- praćenje rada Biroa zelene karte u Bosni i Hercegovini u skladu sa zakonima i propisima koji se primjenjuju na aktivnosti Biroa zelene karte u Bosni i Hercegovini, a u vezi sa ispunjavanjem zahtjeva Vijeća Biroa;
- vođenje statistike u pogledu poslovanja tržišta osiguranja u Bosni i Hercegovini;
- podnošenje statističkih izvještaja, u ime Bosne i Hercegovine, Evropskoj komisiji ili bilo kojem drugom međunarodnom tijelu koje dostavi zahtjev za dobijanje dostupnih podataka.

Poglavlje 2: Vizija i misija

2.1 Vizija

Vizija Agencije za osiguranje u Bosni i Hercegovini je stabilno tržište osiguranja Bosne i Hercegovine, uređeno međuentitetski usklađenim zakonodavstvom, baziranom na međunarodnim standardima osiguranja uvažavajući stepen razvijenosti domaćeg sektora osiguranja.

2.2 Misija

Unaprijeđenje tržišta osiguranja Bosne i Hercegovine kroz harmonizaciju propisa, rješavanje sporova između entitetskih agencija za nadzor osiguranja, predstavljanje i zastupanje Bosne i Hercegovine u organizacijama koje se bave osiguranjem, uspostava jedinstvenog statističkog servisa i praćenje rada Biroa zelene karte u BiH koristeći međunarodno prihvatljive standarde kako bi se postigao jednakopravni tretman svih

učesnika na tržištu osiguranja u cilju pružanja što kvalitetnijih usluga građanima i zaštitili njihovi interesi.

Poglavlje 3: Učesnici i partneri

Agencija za osiguranje u Bosni i Hercegovini u obavljanju aktivnosti propisanih Zakonom o Agenciji za osiguranje u BiH saraduje sa institucijama i organizacijama u zemlji i inostranstvu.

U okviru svojih nadležnosti Agencija za osiguranje u Bosni i Hercegovini u zemlji saraduje sa:

- Agencijom za nadzor osiguranja Federacije Bosne i Hercegovine,
- Agencijom za osiguranje Republike Srpske,
- Biroom zelene karte u Bosni i Hercegovini,
- Udruženjima društava za osiguranje u Federaciji BiH i Republici Srpskoj,
- Udruženjem aktuara u Bosni i Hercegovini
- Osiguravajućim društvima,
- Zaštitnim fondom Federacije BiH i Zaštitnim fondom Republike Srpske,
- Ministarstvom finansija i trezora BiH, Ministarstvom finansija FBiH, Ministarstvom finansija RS,
- Drugim institucijama i organizacijama u okviru obavljanja svakodnevnih aktivnosti.

U okviru međunarodnih odnosa Agencija za osiguranje saraduje sa:

- Nadzornim i regulatornim organima zemalja okruženja i zemalja članica Evropske Unije,
- European Insurance and Occupational Pensions Authority (EIOPA)
- Međunarodnom asocijacijom supervizora (IAIS)
- Financial Stability Institute (FSI)
- Udruženjima i organizacijama u zemljama regiona koje se bave unaprijeđenjem djelatnosti osiguranja.

Agencija od samog osnivanja ima intenzivnu međunarodnu saradnju sa institucijama i organizacijama u cilju razmjene iskustava i primjene najboljih praksi u sektoru osiguranja.

Obzirom da je uspostavljena saradnja sa svim relevantnim institucijama i organizacijama na domaćem i međunarodnom tržištu, prostor za unaprjeđenje saradnje postoji tako da će Agencija i dalje aktivno saradivati sa svim relevantnim institucijama i organizacijama u okviru svojih nadležnosti.

Poglavlje 4: Osnovna programska opredjeljenja

Srednjoročni cilj Agencije za osiguranje u Bosni i Hercegovini povezan je sa strateškim ciljevima utvrđenim Strateškim okvirom za Bosnu i Hercegovinu i izveden iz Srednjoročnog programa rada Vijeća ministara Bosne i Hercegovine. Ostvarivanje srednjoročnog cilja zasniva se na realizaciji specifičnog cilja, kao i provođenju programa i projekata u Agenciji. Prilikom definisanja ciljeva koristi se SMART metoda, odnosno, svi ciljevi treba da su:

S – Specific (Specifičan)

M - Measurable (Mjerljiv)

A – Achievable (Ostvariv)

R – Realistic (Realan u odnosu na resurse)

T – Time bound (Vremenski ograničen).

Specifični cilj Agencije za osiguranje u Bosni i Hercegovini određen je na osnovu mandata i misije Agencije i u skladu sa nadležnostima, definisan je jedan specifični cilj. Program, koji je instrument za realizaciju cilja, sastoji se od dva projekta, a projekti od skupa aktivnosti koje vode ka ostvarenju zajedničkog cilja.

Detaljan pregled programa i projekata Agencije za osiguranje u BiH, kao i pokazatelja uspjeha i rezultata prikazan je u Prilogu 1 – Akcioni plan srednjoročnog plana rada Agencije za osiguranje u BiH.

4.1 Srednjoročni cilj

Srednjoročni cilj kojem doprinosi i Agencija za osiguranje u BiH definisan je od strane Direkcije za ekonomsko planiranje i konsolidovan na nivou više institucija koje doprinose istom strateškom cilju.

Srednjoročni cilj: *Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije.*

4.2. Specifični cilj

U skladu sa definisanim srednjoročnim ciljem Agencija za osiguranje u BiH definisala je jedan specifični cilj. Specifični cilj utvrđen srednjoročnim planom Agencije za osiguranje u Bosni i Hercegovini je:

Povećati usklađenost propisa na tržištu osiguranja u Bosni i Hercegovini.

4.3. Programi i projekti

U skladu sa definisanim srednjoročnim ciljem i specifičnim ciljem određen je jedan program i dva projekta za njihovu realizaciju koji su prikazani u sljedećoj tabeli:

Specifični cilj: Povećati usklađenost propisa na tržištu osiguranja u Bosni i Hercegovini	
Program 1.1. Usklađivanje propisa na tržištu osiguranja u Bosni i Hercegovini	Projekt 1.1.1 Harmonizacija propisa i arbitraža
	Projekt 1.1.2 Statistički servis i međunarodna saradnja

Kroz realizaciju ovog specifičnog cilja Agencija za osiguranje u BiH treba osigurati da propisi u oblasti osiguranja budu ujednačeni kako bi se obezbijedio jednakopravan položaj svih učesnika na tržištu osiguranja.

Sektor osiguranja u Bosni i Hercegovini organizovan je tako da pored Agencije za osiguranje u BiH postoje entitetske agencija za nadzor osiguranja kao i entitetska ministarstva finansija.

Osnovna uloga Agencije za osiguranje u BiH na tržištu je jedinstvena primjena zakona o osiguranju na cijeloj teritoriji Bosne i Hercegovine i obezbjeđenje jednakih uslova za sve učesnike na tržištu osiguranja.

Zakoni i podzakonski akti kojim je regulisana oblast osiguranja u entitetima nisu u potpunosti harmonizirani. Realiziranjem specifičnog cilja kroz pripadajuće programe i projekte u narednom periodu i poštivanjem zakonodavne uloge Agencije u procesu donošenja Zakona i propisa iz oblasti osiguranja od strane donosilaca propisa, nastojat će se u narednom periodu postići veća uloga Agencije za osiguranje u Bosni i Hercegovini. Na taj način bi se postigao veći stepen harmonizovanih propisa u oblasti osiguranja u Bosni i Hercegovini.

Međunarodna saradnja u sektoru osiguranja je od izuzetnog značaja iz razloga što se radi o specifičnim uslugama i potrebi saradnje institucija koje se bave nadzorom i kontrolom učesnika na tržištu. Prema dosadašnjem iskustvu, obzirom da se radi o finansijskim uslugama, jedan od uzroka finansijske krize leži i u činjenici što saradnja između regulatora nije bila na zadovoljavajućem nivou.

Agencija će u saradnji sa entitetskim agencijama za nadzor osiguranja poduzeti sve neophodne aktivnosti kako bi se doprinijelo unaprijeđenju saradnje sa regulatornim organima drugih zemalja kao i unaprijedio nadzor i regulacija sektora osiguranja u Bosni i Hercegovini.

Statistički podaci u osiguranju kao i pokazatelji koji se dobivaju na osnovu prikupljenih podataka su od velikog značaja u cilju praćenja trendova i izračuna za rizike koje osiguravajuća društva preuzimaju u svoj portfelj.

Kroz program i projekat u okviru ovog cilja planirane su aktivnosti koje će doprinijeti unaprjeđenju prikupljanja statističkih podataka, njihovu obradu i objavljivanje.

Poglavlje 5: Resursi i kapaciteti potrebni za postizanje ciljeva

5.1. Predviđeni izvori finansiranja

Za realizaciju programa i pripadajućih projekata, a u cilju implementacije postavljenog srednjoročnog i specifičnih ciljeva definisanih Srednjoročnim planom rada Agencije za osiguranje u BiH za period 2018.-2020. godina, planirano je ukupno 1.491.000 KM sredstava iz budžeta institucija Bosne i Hercegovine. Troškovi koji su planirani u toku realizacije srednjoročnog plana rada Agencije za osiguranje u Bosni i Hercegovini odnose se na bruto plate i naknade, naknade troškova zaposlenih, izdatke za materijal i usluge.

5.2. Organizacioni kapaciteti

Pravilnikom o unutrašnjoj organizaciji Agencije za osiguranje u Bosni i Hercegovini, koji je donešen 2006. godine, sistematizacijom je predviđeno 11 radnih mjesta.

Sa ciljem kadrovskog jačanja kapaciteta Agencije za osiguranje u Bosni i Hercegovini, kako bi se kvalitetno i blagovremeno odgovorilo na sve zahtjeve koji proizilaze iz nadležnosti Agencije za osiguranje u Bosni i Hercegovini, u narednom periodu planirana je izrada Pravilnika o unutrašnjoj organizaciji kojim bi se proširila organizaciona struktura Agencije i popunili kadrovski kapaciteti za kojim Agencija ima potrebu u cilju kvalitetnog i blagovremenog obavljanja poslova iz nadležnosti Agencije.

Potrebu jačanja Agencije za osiguranje u Bosni i Hercegovini prepoznala je i Evropska komisija koja u Izvještaju za 2015. godinu navodi: *"Ojačati Agenciju za osiguranje u Bosni i Hercegovini, čiju ulogu u zakonodavnom procesu trebaju poštovati entiteti, kako je to predviđeno zakonom"*.

Poglavlje 6: Okvir za praćenje provođenja plana i evaluacija rezultata

6.1 Definisanje ključnih pokazatelja

Prilikom definisanja Srednjoročnog plana rada AZOBiH, postavljena je jasna hijerarhija ciljeva i pripadajućih programa i projekata. U skladu sa hijerarhijom, definisani su ključni pokazatelji koji omogućavaju mjerenje napretka u ostvarivanju rezultata, i to:

- pokazatelji
- polazna vrijednost
- ciljane vrijednosti

U okviru Srednjoročnog plana rada AZOBiH mjeri se postizanje rezultata na nivou projekata, programa i ciljeva. Pokazatelji vezani za projekte su najčešće kvantitativni i definisani su na godišnjem nivou.

Važno je napomenuti da na ostvarivanje ciljeva na ovom nivou utiče više aktera i faktora, tako da je često teško utvrditi doprinos AZOBiH ostvarenju definisanih rezultata.

Ključni pokazatelji uspješnosti ostvarenja srednjoročnog cilja AZOBiH *Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne konkurencije*, su definisani i navedeni u prilogu 1. u okviru Akcionog plana srednjoročnog plana rada AZOBiH.

6.2. Metode za prikupljanje informacija o pokazateljima

Agencija za osiguranje u Bosni i Hercegovini informacije o pokazateljima rezultata i pokazateljima uspjeha prikuplja iz svih dostupnih izvora koji su na raspolaganju. Prikupljanje podataka se provodi kontinuirano.

6.3. Osnovni zaključci prethodnog Izvještaja o provođenju plana rada

Odlukom o postupku srednjoročnog planiranja, praćenja i izvještavanja u institucijama BiH („Službeni glasnik BiH“, broj 62/14) i Zakonom o izmjenama i dopunama zakona o ministarstvima i drugim tijelima uprave Bosne i Hercegovine („Službeni glasnik BiH“, broj 19/16) propisana je obaveza izrade srednjoročnog plana rada institucija sa početkom primjene 01.01.2015. godine.

Poglavlje 7: Prilozi

- Prilog: - Akcioni plan srednjoročnog plana rada Agencije za osiguranje u Bosni i Hercegovini
- Pregled zakona, drugih propisa i razvojno-investicionih projekata/programa predviđenih srednjoročnim planom rada AZOBiH

AKCIONI PLAN SREDNJOROČNOG PLANA RADA AGENCIJE ZA OSIGURANJE U BiH																														
Opći cilj / principi razvoja: Integrisani rast																														
Strateški cilj: Unaprijediti razvoj konkurentnog ekonomskog okruženja																														
1	2	3	4	5	6	7	8	9	10	11	12	13	14	15	16	17	18	19	20	21										
					Okvir za mjerenje ostvarenja						Procjena troškova				Izvori finansiranja															
Srednjoročni cilj	Specifični ciljevi	Programi	Projekat	Institucija odgovorna za implementaciju	Pokazatelj	Jediniца mјerenja (% , broj ili opisno)	Polazna vrijednost godina 2017	Ciljana vrijednost godina 2018	Ciljana vrijednost godina 2019	Ciljana vrijednost godina 2020	Procijenjeni troškovi godina 2018	Procijenjeni troškovi godina 2019	Procijenjeni troškovi godina 2020	Ukupno troškovi	Budžet	Krediti	Donacije	Ostali izvori	Ukupno	Program u DOB-u										
Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	1. Povećati usklađenost propisa na tržištu osiguranja u BiH	Program I.I. Usklađivanje propisa na tržištu osiguranja u BiH		AZOBIH	Međusobna usklađenost propisa u oblasti osiguranja u Bosni i Hercegovini	Opisno	Djelimično usklađeni	Djelimično usklađeni	Djelimično usklađeni	U dobroj mjeri usklađeni	496.000	497.000	498.000	1.491.000	1.491.000	-	-	-	1.491.000	0411270										
				AZOBIH	Usklađenost propisa u oblasti osiguranja u BiH sa propisima EU	Opisno	Djelimično usklađeni	Djelimično usklađeni	Djelimično usklađeni	Djelimično usklađeni																				
				AZOBIH	Procenat međusobne usklađenosti propisa u BiH	%	58	60	62	64											496.000	497.000	498.000	1.491.000	1.491.000	-	-	-	1.491.000	0411270
				AZOBIH	Broj usvojenih akata od strane UO u odnosu na broj predloženih	%	43	45	50	55											496.000	497.000	498.000	1.491.000	1.491.000	-	-	-	1.491.000	0411270
	AZOBIH	Obuhvaćenost tržišnih pokazatelja za sektor osiguranja u izvještajima i publikacijama	%	85	86	87	88																							
					AZOBIH	Izvršenje obaveza prema međunarodnim tijelima u oblasti	%	90	91	91	92																			

				osiguranja																
			Projekat 1.1.1. Harmonizacija propisa i arbitraža	AZOBiH	Broj dostavljenih materijala UO	Broj	13	15	20	23	248.000	248.500	249.000	745.500	745.500	-	-	-	745.500	0411270
					Broj usvojenih materijala od strane UO	Broj	11	12	17	19										
			Projekat 1.1.2 Statistički servis i međunarodna saradnja	AZOBiH	Proizvedeni pouzdani statistički podaci za sektor osiguranja	Opisno	Da	Da	Da	Da	248.000	248.500	249.000	745.500	745.500	-	-	-	745.500	0411270
					Realizirani sastanci na međunarodnom nivou	Broj	19	20	21	22										

PREGLED ZAKONA, DRUGIH PROPISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROČNIM PLANOM RADA AGENCIJE ZA OSIGURANJE U BiH

Opći cilj / principi razvoja: Integrisani rast

Strateški cilj: Unaprijediti razvoj konkurentnog ekonomskog okruženja

1	2	3	4	5	6	7	8	9
Srednjoročni cilj	Specifični ciljevi	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
Unaprijediti sistem infrastrukture kvaliteta u skladu sa EU legislativama i dobrom praksom EU, efikasniju regulaciju tržišta u svrhu obezbjeđenja slobodnog kretanja roba i usluga i tržišne fer konkurencije	Povećati usklađenost propisa na tržištu osiguranja u BiH	Program 1.1. Usklađivanje propisa na tržištu osiguranja u BiH	Prijedlog Zakona o Agenciji za osiguranje u Bosni i Hercegovini		DA	III i IV kvartal 2018. godine		
				Prijedlog Pravilnika o postupcima za rješavanje sporova u oblasti osiguranja	DA	I kvartal 2018. godine		
				Prijedlog Pravilnika o unutrašnjoj organizaciji AZOBIH	DA	I i II kvartal 2018. godine		

Broj: 02-16-134-7/17

Sarajevo, 08-02-2018



DIREKTORICA

Emina Jahić
Emina Jahić